

欽定天祿琳琅書目後編

欽定天祿琳琅書目卷十二

後編

明版經部

關氏易傳

一冊  
一面

北魏關朗撰朗字子明河東人書一卷凡十一篇  
卜百年義第一統言易義第二大衍義第三乾坤  
之策義第四盈虛義第五闔闢義第六理性義第  
七時變義第八動靜義第九神義第十雜義第十  
一唐趙蕤注蕤字大賓梓州鹽亭人李白之師也  
前有蕤序及所作朗傳是書隋志唐志皆不載晁

公武郡齋讀書志謂李淑邯鄲圖書志始有之中興書目亦載其名陳師道後山叢談何遠春渚紀聞邵博聞見後錄皆載阮逸僞撰元經薛氏傳及此書嘗以其稿示蘇洵云逸字天隱建陽人仕爲鎮東軍節度推官皇祐中典太樂事

謙牧

白文

堂藏

冊首

書記

謙牧

朱文

堂書

冊末

畫記

東坡易傳

一函  
八冊

宋蘇軾撰書八卷蘇籀樂城遺言記蘇洵作易傳

未成屬二子述其志軾書先成轍乃送所解於軾  
今蒙卦猶是轍義是此書乃三蘇合作題曰軾撰  
要其成耳陸游老學菴筆記謂其書初遭黨禁不  
敢顯題軾名故曰昆陵先生易傳後附王弼論易  
一卷

是書明焦竑刻入兩蘇經解中毛晉刻入津逮祕  
書中此本乃烏程閔齊伋所刻朱墨本前有軾本  
傳節文冊首朱字論易六條及本文上方行間朱  
字自漢迄明諸家之說則齊伋所輯耳

周易傳義大全

二函  
十二冊

明胡廣等奉敕撰五經四書大全之一書二十四卷前有凡例程頤易傳序易序上下篇義朱熹易本義圖五贊筮儀又程朱說易綱領考明成祖實錄永樂十二年十一月命行在翰林院學士胡廣侍講楊榮金幼孜等修五經四書大全十三年九月告成親製序刊賜天下是書廣榮幼孜外尙有纂修官修撰蕭時中陳循編修周述陳全林誌李貞陳景著檢討余學夔劉永清黃壽生陳用陳璣

五經博士王進典籍黃約仲庶吉士涂順郎中王  
羽童謨員外郎吳福吳嘉靜主事黃裳段民洪順  
沈升章敞楊勉周忱吾紳御史陳道潛評事王選  
太常博士黃福御醫趙友同國子博士王復原教  
授曾振廖思敬學正傅舟教諭杜觀顏敬守訓導  
彭子斐留季安按朱彝尊經義考謂廣等就前儒  
成編雜爲鈔錄如董楷之周易傳義附錄董真卿  
之周易會通胡一桂之周易本義通胡炳文之周  
易本義通釋皆所取材者

明官刻頒行本

周易全書

四面  
二十冊

明楊時喬撰時喬字宜遷號止菴上饒人嘉靖乙丑進士官至吏部侍郎諡端潔明史有傳書二十一卷分六部論例二卷古文二卷今文九卷易學啟蒙五卷傳易考二卷附龜卜考一卷每部有序前有萬曆十八年時喬自序古文用篆書

易象大旨

一面  
八冊

明薛甲撰甲字應登號畏齋江陰人嘉靖己丑進

士官至按察司副使書八卷彖辭象傳爻辭小象  
加以注釋而不及大象文言繫辭說卦序卦雜卦  
前有嘉靖元年何遷序末有後序不著名又有刻  
書門人後序名有齡不著姓自表仕履云繫籍中  
祕出守姑孰蓋卽何序所謂蜀人任棠山刻之太  
平者江南通志載太平知府任有齡嘉靖年任遷  
字懋益德安所人嘉靖辛丑進士官刑部侍郎有  
吉陽山房集



謙牧

白文

謙牧

朱文

堂藏

堂書

書記

畫記

每冊首

每冊末

東坡書傳

一函  
八冊

宋蘇軾撰書二十卷宋志作十三卷惟萬卷堂書

目作二十卷與此合前有凌濛初序上方輯諸家

評說與易傳同亦閔齊伋家朱墨本濛初字稚成

亦烏程人

東坡書傳

一函  
八冊

同上係一版摹印

書傳會選

一函  
四冊

明劉三吾等奉敕撰書六卷前有書序每句注下  
附音釋考明太祖實錄洪武十年與羣臣論日月  
五星右旋以蔡氏謂爲左旋非是二十七年四月  
以蔡氏書傳日月五星運行與朱子詩傳不同及  
其他註說與鄱陽鄒季古所論間有未安詔徵天  
下儒臣正定之於是太子少保唐鐸等薦張美和  
等二十餘人詔竝徵至命翰林院學士劉三吾董  
其事九月書成凡蔡氏集傳得者存之失者正之

又集諸家之說足其未備三五等上進賜名曰書  
傳會選命禮部頒行

明官刻頒行本

書傳會選

二函  
十二冊

篇目同前另版味經堂刻

卧雪草

白文

堂藏

書之章

每卷首

書傳大全

一函  
十冊

明胡廣等奉敕撰五經四書大全之二書十卷前

有凡例圖三十五書集傳序書說綱領書序後有  
書序修書官與周易傳義大全同朱彝尊經義考  
引吳任臣曰書傳舊六卷大全分爲十卷大旨本  
二陳氏一爲陳櫟尙書集傳纂疏一爲陳師凱書  
蔡傳旁通自洪武敕修書傳會選以駁蔡氏至大  
全出而書始專宗蔡傳云

明官刻頒行本

頴濱先生詩集傳

一函  
六冊

宋蘇轍撰書十九卷依章解義前引小序而以其

反復繁重類非一人之詞疑爲毛公之學衛宏所  
集故書中惟存發端一言以下餘文實從刪云

明焦竑刻入兩蘇經解本

詩集傳

二函  
十冊

篇目見前宋版經部近刻無詩序辨說此猶古本

詩緝

四函  
二十冊

宋嚴粲撰粲字坦叔號華谷邵武人官清湘令書  
三十六卷前有淳祐甲辰林希逸序次戊申粲自  
序次袁甫手帖次條例次清濁音圖次十五國風

地理圖次毛詩綱目其書以呂祖謙讀詩記爲主而雜采諸說以發明之舊說未安則斷以己意而於音訓疑似名物異同最爲精覈音圖後刻趙府棨於居敬堂有趙府居敬堂章考明史諸王傳趙府六世襲厚煜以孝聞嘉靖七年璽書褒予性和厚構樓讀書文藻贍麗蓋其所刻也

棨自序有命鋟之木之語是當時已有鐫本此從宋版重刻細按書中如何彼禮矣之禮揚且之哲也之哲終然允臧之然不能辰夜之辰蒹葭淒淒

之淒約軼錯衡之軼其下維穀之穀成不以富之  
成朔月辛卯之月家伯維宰之維不離于裏之離  
爰其適歸之爰興雨祁祁之祁不皇朝矣之皇以  
篤于周祜之于洒埽廷內之廷旣右饗之來假來  
饗之饗降子卿士之子皆與後來誤本不同雖明  
刻而猶存宋本之舊也

載酒園詩話賀裳字黃公丹陽人有少賤齋集

賀黃

朱文 卷六 卷十七 卷十九

公蘇

卷二十三 卷三十五 卷二十六 卷三十四

書印

六家詩名物疏

二函  
十冊

明馮復京撰四庫全書總目作應京字可大號慕  
岡盱眙人萬曆壬辰進士官湖廣按察司僉事明  
史有傳書五十五卷取齊魯毛韓鄭箋朱傳六家  
釋名物之說輯爲一書前有王道新序萬曆乙巳  
申時行序焦竑序莊毓慶序陳禹謨序又提要二  
卷列釋天釋神釋時序釋地釋國邑釋山釋水釋  
體釋親屬釋姓釋爵位釋飲食釋服飾釋室釋器  
釋布帛釋寶玉釋禮釋樂釋兵釋舟車釋色釋藝



業釋夷釋獸釋鳥釋鱗介釋蟲釋木釋穀釋草釋  
雜物三十二門次卷目次引用書目意在廣陸璣  
蔡卞之書而實以朱傳疏略作此以補之也禹謨  
字錫元常熟人由舉人官至四川按察司僉事

闕補莊序 五

二賢言詩

一函  
二冊

明李維楨以豐坊僞子貢詩傳與子夏詩序合刻  
前有序稱郭司馬相奎授梓蜀中楨謹繕錄版行  
名曰二賢言詩次兩序其一畧云得黃文裕祕閣

子貢詩傳石本與成都守詹牧父分校并小序刻之而不著姓名考郭子章字相奎泰和人隆慶辛未進士官至兵部尚書詳其文意卽子章所作也其一畧云歲己丑謙幸以職事侍文憲郭公出所藏祕閣子貢詩傳石本示謙要與小序相發明爰命工摹勒而不著姓考通志成都知府有詹思謙萬厯中任卽郭序所云詹牧父也其標題子章原刻曰二賢詩傳維楨再刻改曰二賢言詩子貢詩傳篆書首行云詩傳孔氏傳衛端木賜子貢述竟

似近人撰刻古無此體豐坊作偽前人辨之甚晰而郭詹取以合小序至維楨序明云豐人翁好作贗書附以己意稱傳之外國眾疑弗信而又作此狡獪甚矣好奇之過也維楨字本寧京山人隆慶戊辰進士官至禮部尚書諡文簡

詩經世本古義

二函  
十六冊

明何楷撰楷字元子晉江人天啟乙丑進士官吏科給事中唐王時授禮部尚書爲鄭芝所軋憤卒明史有傳書二十八卷前有范景文序林蘭友序

曹學佺序楷自序次原引一首附錄論風雅頌三  
條其書不依毛詩次第畧本鄭氏詩譜而雜以己  
意取三百五篇敘其時世始夏少康之世公劉篇  
迄厲敬王之世下泉篇凡二十八王各爲序引於  
前末屬引一首仿序卦傳體以韻語明所以比屬  
牽綴之義不免穿鑿傅會而援據極博考證極詳  
亦可謂萃一生之精力者矣范景文字夢章吳橋  
人萬曆癸丑進士崇正末官大學士殉難曹學佺  
字能始侯官人萬曆乙未進士官陝西副使天啟

中除名崇正初復官不赴家居殉節

毛詩古音考

一函  
二冊

明陳第撰第字季立連江人以書生從軍官至薊  
鎮遊擊書四卷末附讀詩雜言八則次萬曆丙午  
自跋其書大指謂古人之音與今異凡今所稱叶  
韻皆古人之本音定爲本證旁證二例本證者詩  
經中所有旁證者秦漢以下與三百合者也條例  
貫通考證精密古韻之復實自第始顧炎武等遞  
相推闡皆以此爲祖本也

是書世鈔刻本其傳鈔著錄者有焦竑及第自序  
二首竑序稱其身爲名將一旦棄去周遊萬里著  
書滿家爲三異此本但有第後跋無前二序而槧  
摹精整尙係初印固爲難得耳

詩經類考

二函  
十二冊

明沈萬鈞撰萬鈞字仲容嘉善人萬歷丁酉舉人  
官知縣書三十卷分二十六門曰古今論詩考曰  
逸詩考曰音韻考曰天文考曰時令考曰地理考  
曰列國考曰人物考曰宗族考曰官制考曰飲食

考曰服飾考曰宮室考曰器具考曰珍寶考曰禮  
考曰樂考曰井田考曰封建考曰賦役考曰刑獄  
考曰兵制考曰四夷考曰禽蟲考曰草木考曰國  
風異同考曰小雅異同考曰大雅異同考曰三頌  
異同考曰羣書字異考大指與六家詩名物疏相  
類而遜其宏博版刻極整雅不苟  
太倉王氏藏本

王應徵

白文

卷一

卷四

卷八

卷十二

字榮垣

卷十五

卷十八

卷二十四

卷三十五

卷三十六

號紫朗

卷三十六下

卷二十七

卷二十八

卷二十九

宥滌

白文

放情

卷一

志

卷四

卷八

卷三

卷五

卷十八

卷三十四

卷三十五

卷三十六

卷三十七

婁江紫朗  
王氏家藏

白文 卷三 卷七 卷十一  
卷十四 卷十七 卷二十 卷三十四  
卷三十五 卷三十六 卷三十七

卷三十六  
卷三十七

儀禮註疏

四百  
三十二冊

篇目同前宋版經部

每卷首標提督直隸學政監察御史餘姚聞人詮  
校正直隸常州府知府遂昌應櫝刊行考明制天  
下學校領以提學道惟兩畿則差御史常州南直  
隸屬郡江南通志載聞人詮應櫝俱嘉靖年間任



詮字邦正嘉靖丙戌進士官至湖廣按察副使王  
守仁之門人著芷蘭集又有飲射圖解是講經禮  
之學者

禮記集說

二函  
十六冊

元陳澔撰澔字可大號雲莊都昌人其父大猷師  
饒魯魯師朱熹之婿黃幹故明初以澔此書列於  
學官書十六卷前有澔序例書首刻司禮監欽奉  
聖旨五經四書經註坊刊本字有差譌恣司禮監  
將易程朱傳義書蔡沈集傳詩朱熹集傳春秋胡

安國傳禮記陳澹集說四書朱熹集注都膽寫的  
本重新刊印便於觀覽欽此正統十二年五月初  
二日每冊鈐以表章經史之寶乃明官刊祕籍然  
以刊印經書之事付之闈宦而正統年乃王振擅  
權之時相傳振以學官淨身故所爲若此真堪姍  
笑矣

寒山趙氏藏本

吳郡  
趙宦光  
家經籍

白文序 卷三 卷五之九  
卷十一之十四 卷十六

謙牧  
堂藏  
書記

白文  
每冊首

謙牧  
堂書  
書記

朱文  
每冊末

禮記集說大全

二函  
十八冊

明胡廣等奉敕撰五經四書大全之五書三十卷  
前有凡例總論陳澹序修書官與周易傳義大全  
同

明官刊頒行本

春秋胡傳

二函  
十六冊

篇目見前元版經部

版式與正統十二年刻禮記集說同蓋司禮監刻  
五經四書之一也

其  
莘

朱文

時尹  
之印

白文 俱卷首 卷七

春秋經傳集解

六函  
三十冊

篇目同前宋版經部

明翻宋槧極清整

春秋經傳集解

四函  
二十八冊

同上係一版摹印

眞賞

壺盧式

朱文

華  
夏

白文 俱前後副葉

春秋經傳集解

四面  
三十冊

同上係一版摹印稍後

謙牧

堂藏  
書記

白文

每冊首

謙牧

堂書  
畫記

朱文

每冊末

春秋集傳大全

二面  
十八冊

明胡廣等奉敕撰五經四書大全之四書七十卷

前有凡例序論二十國年表諸國興廢說列國圖

說修書官與周易傳義大全同朱彝尊經義考引

吳任臣之言曰永樂中敕修春秋大全其發凡云

紀年依汪氏纂疏地名依李氏會通經文以胡氏  
爲據例依林氏實則全襲纂疏成書雖奉敕纂修  
實未纂修也云云汪氏乃元汪克寬所著胡傳纂  
疏今以對勘任臣之言不誣其列國圖說以爲出  
於東坡者亦出僞地理指掌圖

明官刊頒行本

左氏春秋鐫

一函  
二冊

明陸粲撰粲字子餘長洲人嘉靖丙戌進士以工  
科給事中劾張璉桂萼謫都鎮驛驛丞終永新知

縣明史有傳書二卷上卷五十四章下卷六十章  
前有粲自序後自跋大指以左氏爲戰國初私淑  
七十子之徒者爲之往往卑淺不中道或爲奇言  
怪說漢晚立學官劉歆始定章句疑歆以意附益  
者多故爲此書鐫之考程頤謂臘爲秦禮庶長爲  
秦官林乘謂左傳凡言君子曰是劉歆之詞粲所  
辨人當戰國語出劉歆蓋本諸此粲別撰左傳附  
註及春秋胡氏傳辨疑乃究心於麟經之學者

按跋畧云予以給事中謫都傳鎮丞去京師萬里

挾左氏傳自隨行且讀之有所見暮宿逆旅書諸  
簡既至以傳亭之廢止於黎峩稍次其說爲一編  
二子校刻之後列平越衛學門生六人校刻時  
嘉靖庚寅也祭以謫宦遠方爲此書跋中自比柳  
宗元謫永州作非國語亦陰襲蘇軾海外諸黎故  
事末刻嘉靖戊申吳郡盧氏重刻於少谷草堂刊  
印頗工雅



欽定天祿琳琅書目後編卷十二終

欽定天祿琳琅書目卷十三

後編

明版經部

十三經註

二十函  
一百七十四冊

明金蟠葛麗葛蘖同校前有宣德乙卯蟠題辭又  
總目附考一卷按顧炎武日知錄云自漢以來儒  
者相傳但言五經而唐時立之學官則云九經者  
三禮三傳分而習之故爲九也其刻石國子學則  
云九經並孝經論語爾雅宋時程朱諸大儒出始  
取禮記中之大學中庸及進孟子以配論語謂之

四書明朝因之而十三經之名始立其先儒釋經之書或曰傳或曰箋或曰解或曰學今通謂之註書則孔安國傳詩則毛萇傳鄭元箋禮記則鄭元注公羊則何休學孟子則趙岐註皆漢人易則王弼註魏人繫辭韓康伯註晉人論語則何晏集解魏人左氏則杜預註爾雅則郭璞註穀梁則范甯集解皆晉人孝經則唐明皇御註其後儒辨釋經之書名曰正義今通謂之疏云云焦竑國史經籍志云唐定正義始立十三經其說謬甚爾雅孟子

宋時始有疏唐石經今尚存其有孟子者乃明王堯惠所刻是本刊註不刊疏在神宗時南北兩雍刊行十三經註疏之前校對極精審

謙牧

白文

堂藏  
書記

每冊首

謙牧

朱文

堂書  
畫記

每冊末

五經四書大全

十函  
一百冊

明胡廣等奉敕撰易書春秋禮記已見前詩傳大全二十卷前有凡例朱熹集傳序綱領圖二十五詩序辨說修書官與周易傳義大全同顧炎武日

知錄云詩經大全全襲元人劉瑾詩傳通釋而改其中愚按二字爲安成劉氏曰云云吳任臣曰大全鈔襲詩傳通釋僅刪數條劉本以小序隸各篇下大全則別爲一編若似乎不同者要之當日原未嘗纂修也四書集註大全前有凡例大學一卷前有讀大學法大學或問朱熹大學章句序論語二十卷前有讀論語孟子法論語集註序說中庸一卷前有讀中庸法中庸或問朱熹中庸章句序孟子十四卷前有孟子集註序說修書官與周易

傳義大全同顧炎武日知錄云自朱子作大學中  
庸章句或問論語孟子集註之後黃氏有論語通  
釋其采語錄附於朱子章句之下則始於真氏祝  
氏仿之爲附錄後有蔡氏四書集疏趙氏四書纂  
疏吳氏四書集成論者病其泛濫於是陳氏作四  
書發明胡氏作四書通而定字之門人倪氏合二  
書爲一頗有刪正名曰四書輯釋永樂所纂四書  
大全特小有增刪其詳其簡或多不如倪氏大學  
中庸或問則全不異而間有舛誤云云按四書輯

釋乃元倪士毅所著明初纂修五經四書大全以爲一代考文之治而承事諸臣剽竊舊籍以爲稱塞其原書具在一一可以對勘後人譏評具有證據若我

朝所纂四經三禮真足度越前代矣

明官刊頒行本

五經句訓

二函  
八冊

不著撰人姓氏書十九卷易三書二詩四春秋四禮記六依經直解旁註窄行前有萬曆丙申陳大

科序揭銜總督兩廣兵部侍郎略云五經旁訓舊有刻者會督學周君應治從山東來以善本餉予遂手校而重刻之云是書坊間纂本以便初學習誦者今猶行張大受新刊此本槧法紙墨極工非後來可及

涇野先生五經說

一函  
九冊

明呂柟撰柟字仲木高陵人正德戊辰進士第一官至禮部侍郎諡文簡明史有傳書二十一卷凡周易說翼三卷尚書說要五卷毛詩說序六卷禮



問二卷春秋說志五卷皆條系雜說其門人謝少南刻之有嘉靖癸丑少南序少南字應斗嘉靖壬辰進士官廣西提舉副使有粵臺集

六經圖

一函  
一冊

篇目同前宋版經部每經目錄下刻明新都吳繼仕考校卷首刻熙春堂藏版摹刻宋版六經圖後云夙邁是書如獲和璧不忍私藏今公海內第圖象俱精字紙兼美一照宋版校刻無譌視夫妄意增改者奚啻懸殊博雅君子當自鑒之云云末註

改正二百八十九處繼仕字公信徽州人所著有  
音聲紀元

是書摹刻之工幾與宋槧莫辨諸本多爲坊賈割  
補目下一行以爲贗鼎蓋因與宋本相近易以售  
欺也

張氏  
寶藏

白文 卷首

六經圖

一函  
六冊

同上係一版摹印苗昌言序佚割補目下一行尙

留改正一行題籤有照宋原版字

六經圖

一函  
六冊

同上係一版摹印割補目下一行尙留改正一行

六經圖

一函  
六冊

同上惟易圖末刻修吉堂改正共一百處書圖末刻修吉堂考校共五百二十處詩圖末刻修吉堂考校共三百九處周禮圖末刻修吉堂考正八十八處禮記圖無春秋圖末刻修吉堂考正九十一處蓋卽吳氏熙春堂所摹宋版後歸修吉堂更加考

正耳

七經圖

一函  
八冊

易書詩周禮禮記春秋圖目同上儀禮會通圖二百二十七宋楊復原書明吳繼仕編纂前有萬厯乙卯繼仕自序通部前有焦竑序又繼仕自序竑序稱繼仕見宋刻六經圖而竑之手自摹畫考校授梓又念儀禮爲朱子所定其徒楊復篇爲之圖並加編纂合爲七經圖繼仕序稱家傳宋刻六經圖嚴加釐正乃取往籍爲補七經云云別有小字

凡例四則係從他本補入且不應入周易圖後不  
載

六經正誤

一函  
三冊

宋毛居正撰書六卷一易二書三詩四禮記五周  
禮六春秋三傳前有寶慶元年魏了翁序略云南  
渡草剽取版籍於江南諸州潭撫閩蜀諸本至爲  
異同而監本之誤爲甚嘉定十六年朝廷命胄監  
刊正經籍司成謂無以易誼父馳書幣致之盡取  
六經三傳諸本參以子史字書選粹文集研究異

同凡字義音切毫釐必校旬歲閱刊修者凡四繼  
欲修禮記春秋三傳誼父以病目移告中輟遂錄  
其正誤之籍而刊傳之云居正卽增修禮部韻略  
毛晃之子誼父其字也書末有跋云歲己卯南畿  
書肆獲宋刻本遂刻而傳之嘉靖癸未江都郝梁  
志是書通志堂經解刻入此猶明翻宋本

泰興季氏藏本

季振宜

朱文

季振宜

朱文

讀書

卷首

藏書

卷末

博雅

一函  
四冊

魏張揖撰揖字稚讓清河人太和中博士隋祕書  
學士曹憲音解其書本名廣雅憲避隋煬帝諱改  
曰博雅至今二名並稱實一書也書十卷仿爾雅  
曰釋詁釋言釋訓釋親釋室釋器釋樂釋天釋地  
釋邱釋山釋水釋草釋木釋蟲釋魚釋鳥釋獸後  
有揖上廣雅表又正德庚辰都穆跋稱皇甫世庸  
出守大郡政暇手校是書欲刻未果近戶部任君  
子實以監稅留吳爲之助刻遂行於世書中每卷

刻吳郡皇甫錄校正末刻八分書皇甫氏世業堂  
繡梓錄長洲人宏治癸丑進士官順慶知府其子  
沖濬沔濂俱有才名人稱四皇甫都穆字元敬吳  
縣人宏治己未進士仕至禮部郎中加太僕寺少  
卿著金薤琳琅鐵網珊瑚諸書

謙牧

白文

謙牧

朱文

堂藏

每冊首

堂書

每冊末

書記

畫記

埤雅

一函  
二冊

宋陸佃撰佃字農師越州山陰人熙寧三年進士



歷官左丞罷知亳州宋史有傳書二十卷釋魚二  
釋獸三釋鳥四釋蟲二釋馬一釋木二釋草四釋  
天二名曰埤雅言爲爾雅之輔也前有宣和七年  
其子宰序又張存序稱僉事林瑜太守陳大本鳩  
工刻之末刻後學顧棫枝本有虞山如月樓刊顧  
氏校本二墨印按江西通志林瑜字子潤龍巖人  
永樂中任按察司僉事陳大本無爲州人洪武年  
任贛州同知尋升本府知府二人皆入江西名宦  
則是書乃明初刻也

埤雅廣要

一函  
七冊

明牛衷撰衷里貫未詳官蜀府護衛百戶書四十  
二卷分天道地道人道品物卉物什物文物氣化  
神異九門雖因陸佃原書之名乃有意爲類書而  
墮於小說者也前有陸宰原序又天順元年衷自  
序略云賢王進覽埤帙深加矜悅但惜敘述未愜  
乃條示所宜增補命衷輯之又萬厯庚戌陳懿典  
殷仲春二序稱孫孝廉允仁命子宏範重付剞劂  
皆刻書時序也考明史諸王世表蜀和王悅燹宣

德十年封天順五年薨命衷撰書者當卽悅發懿  
典字孟常秀水人萬曆壬辰進士官少詹事殷仲  
春字方叔秀水布衣序中所云大司寇簡肅公乃  
孫植字斯立平湖人嘉靖乙未進士累官刑部尙  
書子成名字允仁隆慶辛未進士卽刻是書者

歷代鍾鼎彝器款識

一函  
八冊

篇目同前影宋鈔本

硃印本

說文字原六書正譌

一函  
三冊

元周伯琦撰伯琦字伯溫鄱陽人官兵部侍郎元  
史有傳說文字原一卷以說文五百四十部以類  
相從明展轉孳生之義刪飛儿孳凶鹵矛立豈鼓  
臼有丐募勅酋方十七部增廿而呂于牛鼎片  
屮不肯廿牽\又母尤口十七部改頤箕危雲四  
部六書正譌五卷依禮部韻略爲次註制字之義  
辨隸作某某俗作某某之非二書前皆有伯琦自  
序字原作於至正己丑正譌作於辛卯二書合刻  
於至正乙未有宇文公諒序稱都水庸田使康里

公溥修屬平江監郡六十公子約郡守高公德基  
梓於校官重刻於正德年于器之有嘉靖元年黃  
芳序是本再刻於崇正四年總督東廠司禮監太  
監宋晉亦有序墨印二曰癸未選士曰司禮視篆  
則是以士人淨身亦足見明綱之弛矣公諒字子  
貞歸安人官嶺南廉訪僉事于器之名整滁州人  
官浙江按察司副使黃芳崖州人兩人同正德戊  
辰進士又先後同官

隸釋

一函  
四冊

宋洪适撰适字景伯號盤洲鄱陽人紹興壬戌中  
博學鴻詞科官至尚書右僕射兼樞密使諡文惠  
宋史有傳書二十七卷前十九卷列所見漢魏金  
石刻鈔其原文附以論說凡百八十三目第二十  
卷錄酈道元水經注所記古碑第二十一二卷錄  
歐陽修集古錄論說第二十三卷錄歐陽棐集古  
錄目論說第二十四五六卷錄趙明誠金石錄論  
說第二十七卷錄天下碑錄內所記漢碑在所前  
有乾道三年适自序又萬曆十六年王雲鷺序書

末刻萬曆戊子余爲廣陵守偶得隸釋一集於眞州僧舍乃寫冊也或曰此元人手鈔亡其姓氏余素未識此集詢之博雅者皆云坊肆間並未刊布余因命工依宋版字梓之以與好古者共覽焉雲鷺夏邑人嘉靖辛未進士

吳興

自文 卷一 卷七

則氏

卷十四 卷二十二

漢隸字源

一函  
六冊

宋婁機撰書六卷首刊考碑分韻辨字三例次碑

目一卷凡漢三百有九魏晉三十有九各記年月  
書人姓名在所卽以所編數註卷中碑字之下次  
五卷依禮部韻略二百六部分列間有附註韻不  
能載十四字附五卷末前有慶元三年洪邁序系  
野處洪景盧不書名亦勸例也

五侯鯖字海附五經難字

一函  
八冊

不著撰人姓名五侯鯖字海二十一卷首卷列製  
字之始及六書八體諸篆次四聲平仄翻切字母  
五音六體五星五姓次四聲輕清重濁次字義辨



異凡十八門次二類字辨凡十三門次夷語夷字  
音釋其一卷至二十卷始金部終彘部凡八百五  
十七每字皆用直音間註字義其書麤淺不倫八  
體諸篆多出杜撰至有蒼頡伏羲之字又鈔禮部  
譯字生所習之書自詡異聞彌形荒鄙前有陳繼  
儒序謂取海篇原本遵洪武正韻參合成書則其  
脫胎之處畢見矣後附五經難字一卷經註不分  
字多習見標五經而有四書標春秋而實左傳皆  
坊賈倩不學人所爲標題俱稱海若湯先生校訂

考湯顯祖號若士亦曰海若臨川人萬厯癸未進士以忤張居正降遂昌知縣明史有傳顯祖當日勝流必不至此書中有潭陽蕭鳴盛校又譯字後有劉孔當跋文亦粗淺或若輩所爲嫁名顯祖耳而鐫刻極精雅故存之

重刊改併五音集韻

二角  
十冊

卽韓道昭改併五音類聚四聲篇篇目見前標題至元庚寅重刊有無名氏序第一卷後刻浙江嘉興府崇德縣圓通菴沙門如彩重梓如錦助刊考

崇德今石門縣元爲州明洪武二年改縣當是明僧重刊元版

謙牧

自文

謙牧

朱文

堂藏

堂書

書記

每冊首

書記

每冊末

古今韻會舉要

四下函  
三十二冊

元黃公紹編輯熊忠舉要公紹字直翁忠字子中俱昭武人書三十卷前有韻例七條音例六條字

例十四條義例五條爲一卷禮部韻略七音二十六母通考一卷卷一至三十依平水劉淵一百七

部韻蓋公紹因禮部韻略而作韻會忠因韻會而  
作舉要通部萬二千六百五十二字內从禮部續  
修韻略補遺增二百二十四字从毛晃韻劉淵韻  
增二千一百四十二字忠所增六百七十六字

謙牧  
堂藏  
書記

白文

每冊首

謙牧  
堂書  
畫記

朱文

每冊末

韻補

一函  
五冊

宋吳棫撰棫字才老同安人宣和六年進士紹興  
中官太常丞以爲孟仁仲草表忤秦檜斥泉州通

判書五卷前有乾道三年徐戴序次引用書目五十種械自識其書以二百六部分系古韻註明典據自陳振孫周密以來謂朱熹註詩註楚辭皆用其說

明初槧本字多用古體於此書爲稱

天一齋

朱文 每冊首

正韻統宗

一函  
五冊

明任世鏜撰世鏜爵里無考書五卷依洪武正韻

七十六部爲之註意在正譌補遺於入聲十部首  
各註雅音入作某聲卷首列統宗八條又奇字指  
迷又分毫字辨正俗旁從撮要前有萬厯五年張  
博序每卷列龍溪居士王畿校中書舍人茅道書  
後有世鏗自跋畿字汝中紹興山陰人王守仁門  
人嘉靖壬辰進士官南京武選主事

韻譜本義

一函  
五冊

明茅溱撰范科校溱字平仲丹徒人科字斗文休  
寧人書八卷依一百六部每字下摹說文末註叶

韻凡萬四千五百二十二文外篆文四千八十七  
籀古俗重文千九百三十八其許慎原文未載者  
列於書末前有萬曆甲辰范崙序又溱科自序科  
復撰例九條述所校訂之旨云崙丹徒人嘉靖乙  
丑進士

近青

朱文

堂

卷首

子

朱文

璽

每冊首

卓

爾堪

子

俱朱文

卷一 卷三

任氏

卷五

卷七 卷九

古今韻分注撮要

一函  
五冊

明甘雨撰陳士元注雨字子開永新人萬曆丁丑

進士由翰林檢討謫德安府推官遷南京刑部郎  
中士元字心叔應城人嘉靖甲辰進士官灤州知  
州書五卷依一百六部分古今韻今從楊氏韻林  
撮註極爲簡略古從經史子詩賦採其通叶詳註  
出典然於通轉叶之義未甚分明其上下平聲改  
爲前後亦剝見前有萬曆辛卯士元自序甲午陳  
藻序藻字應洪應城人隆慶戊辰進士累官戶部  
尙書



與善

自文

何印

自文

玉暉

自文

堂

卷首

玉暉

每卷首

私印

每卷末

韻苑考遺

二百  
十二冊

明陳士元撰書不分卷依一百六部部各爲斷補韻府羣玉未收之字前韻府後考遺標以白文凡上平聲韻府千九百四十九字考遺六千二百二十四字下平聲韻府千九百五十四字考遺五千八百十二字上聲韻府二千七十八字考遺六千七百三十八字去聲韻府二千四百九十九字考

遺八千一百四十四字入聲韻府千八百七十五  
字考遺五千六百八十二字綜計韻府字萬三百  
五十有五補字三萬二千六百共得字四萬二千  
九百五十有五士元守灤時梓行前有自序又嘉  
靖丙午王蕃序謂韻苑考遺陳子因韻之無全書  
而作也其書功力頗深採摭亦博然謂足概聲音  
文字之全猶未也蕃號雪崖思南人成化丁酉舉  
人官知縣

吳興沈氏

藏書印記

朱文上平聲首

音韻日月鏡

四面  
二十二冊

明呂維祺撰維祺字介孺號豫石新安人萬曆癸丑進士官至南京兵部尙書殉寇難書七十卷韻母五卷以百六韻爲經三十六母四等爲緯開口合口標部上獨音眾音註字旁同文鐸三十卷舉一百六部之字以三十六母易其前後本韻會而稍減其註本韻補以註古音通轉卷首有義例圖

說音辨採證四門楊文驄序韻鑑二十五卷仍卽  
同文鐸之字標其若干音叶互註以便檢尋有義  
例八條三書俱自作引言合三書而刻之總名音  
韻日月鐙前有畢懋康序鄭鄮序維祺自序呂維  
祐序文驄字龍友貴陽人天啟辛酉舉人官至都  
御史懋康字孟侯歙縣人萬曆戊戌進士官兵部  
侍郎鄭號峯陽武進人天啟壬戌進士改庶吉士  
爲溫體仁所搆死維祐維祺之弟字泰孺由選貢  
生爲樂平知縣解歸抗節死贈按察僉事明史附

維祺傳

欽定天祿琳琅書目後編卷十三終

欽定天祿琳琅書目卷十四

後編

明版史部

史記

八函  
六十四冊

篇目見前宋版史部有索隱序集解序索隱後序  
是書槧法極工目錄後有淳祐丁未月正元日古  
普盛如杞謹書墨印然於宋諱俱不闕筆坊賈作  
僞未能以一葉定爲宋本在明版則最上乘矣

陳繼儒藏本嵇元夫字長卿歸安人有白鶴園集  
其父世臣官編修故有太史公牛馬走之章後歸

泰興季氏餘無考

朱文 卷首 卷二 卷四之卷九 卷十一 卷十三 卷五之十九 卷二十一 卷二十三  
卷二十五 卷二十七之二十九 卷三十一 卷三十三 卷三十五 卷三十八之卷四十一 卷四十三 卷四十四  
卷四十六 卷四十八 卷五十一 卷五十五 卷五十八 卷六十一 卷六十六 卷六十八 卷七十 卷七十一

甲

卷七十五 卷七十八 卷八十 卷八十四 卷八十七 卷八十九 卷九十三  
卷九十六 卷九十九 卷一百三 卷一百六 卷一百十之二百十二 卷一百七  
卷百十八 卷百二十一 卷百二十三 卷百二十七 卷百二十九 卷百三十一

楨

朱文 卷首

以盈之印

自文

廣陽陳氏

朱文 卷首 季印

朱文 卷首 卷一 卷四之卷九 卷十一

卷首

確菴慎獨齋

卷一之卷三 振宜

卷十三 卷十五之卷十九 卷二十一 卷二十三  
卷二十五 卷二十七之卷二十九 卷三十一 卷三十三

珍籍圖史

卷三十五 卷三十八之卷四十一 卷四十三 卷四十四 卷四十六 卷四十八 卷五十一 卷五十五 卷五十九  
卷六十一 卷六十六 卷六十八 卷七十 卷七十二 卷七十五 卷七十八 卷八十 卷八十四 卷八十七  
卷八十九 卷九十三 卷九十六 卷九十九 卷一百三 卷一百六 卷一百十 卷一百十二 卷一百七  
卷百十八 卷百二十一 卷百二十三 卷百二十七 卷百二十九 卷百三十一

卷百十八 卷百二十一

卷百二十三 卷百二十七

卷百二十九 卷百三十三

滄

葦

朱文 卷首 卷二 卷四之卷九 卷十一 卷十三 卷十五 卷十九

卷二十一 卷二十三 卷三十五 卷三十七 卷三十九 卷三十一 卷三十三

卷三十五 卷三十八之卷四十一 卷四十三 卷四十四 卷四十六 卷四十八

卷五十一 卷五十五 卷五十九

卷八十一 卷八十四 卷八十七

之卷百十一 卷百十七 卷百十八

卷六十一 卷六十六 卷六十八 卷七十 卷七十一 卷七十五 卷七十八

卷八十九 卷九十三 卷九十六 卷九十九 卷百一 卷百一十

卷百二十一 卷百二十三 卷百二十七 卷百二十九 卷百三十一

陳眉

公書

畫記

朱文 卷首 陳印 卷一 白文

卷一 卷三 仙覺 卷一 卷三

呂印

齡楨

字曰

以寧

俱朱文

卷一

南陽

耕釣

白文

卷一

季振宜

藏書

朱文 卷一 卷三

卷二十六之卷二十八

卷四十五 卷四十七

卷五之卷九 卷十二 卷十四之卷十九 卷二十二 卷二十四

卷三十 卷三十二 卷三十四 卷三十七之卷四十 卷四十二 卷四十三 卷四十五

卷五十一 卷五十四 卷五十七 卷六十一 卷六十七 卷六十九 卷七十

卷七十四 卷七十七

卷九十五 卷九十八

卷百七 卷百二十

卷七十九 卷八十三 卷八十六 卷八十八 卷九十二

卷百二 卷百五 卷百六 卷百十一 卷百十六

卷百二十一 卷百二十六 卷百二十八 卷百二十九 後序

穉

長卿



俱朱文

寧桂

白文

白雲

白文

嵇氏

朱文

嵇氏青

白文

卷五

堂印

卷五

深處

卷七

卿父

卷十一

藜閣印

卷十二

卷十五

卷五

卷七

卷十一

卷二十七

卷三十一

卷四十七

吳興嵇元

白文

白鶴園

白文

蒲石

白文

竹

卷百七

卷百七

夫字長卿

卷三

止亭印

卷十八

卷十七

城

朱文

太史公

集芳堂

俱白文

嵇印

白文

卷三十九

牛馬走

圖書印

卷四十

元夫

卷百三

史記

三函

二十冊

篇目見前宋版史部諸序俱不載

闕補目錄二卷五十一之

三國志

五函  
二十冊

晉陳壽撰宋裴松之註壽字承祚安漢人舉孝廉  
官至太子中庶子晉書有傳松之字世期間喜人  
官中書侍郎司冀二州大中正宋書有傳書六十  
五卷凡魏志三十蜀志十五吳志二十前有松之  
上書表萬曆丙申祭酒馮夢楨司業黃汝良二序  
目錄後列二人校正銜名並監丞學正學錄典簿  
典籍十五人蓋南京國子監舊有二十一史版國  
志漫漶故重刻之此其初印本

舊唐書

六函  
四十冊

晉劉昫撰昫涿州歸義人官司空中書門下平章事五代史有傳書二百卷本紀二十表三十列傳百五十自宋祁歐陽修修唐書而舊書遂廢然互有長短論者亦多出入明南北雍刻二十一史是書雖不在列而刊寫流傳自宋以來不絕此本乃明提督南畿學政御史聞人詮校刊蘇州府學訓導沈桐同校版式精雅聞人詮見前儀禮註疏條下靜志居詩話載其津津好古會雕劉昫舊唐書

行世

葛邦典陳瓚俱常熟人嘉靖丙辰同年進士後歸

項篤壽萬卷樓

萬卷樓

河陽潘氏家藏

俱朱文卷首

陳瓚

朱文本紀一志十一志十九志二十二傳九十九傳九十二傳百五傳百四十一

河陽潘氏圖書

朱文本紀一傳百四十一

嘉靖丙辰進士青菴萬邦典印

朱文本紀一志一

虞山潘氏家藏

朱文本紀一

梅林潘氏寶藏

朱文志一志十一志十九志三十三傳二十九傳五十五傳百三

謙牧堂藏書記

白文每冊首

謙牧堂藏書記

朱文每冊末

逸周書

一百  
二冊

晉孔晁註書十卷凡解七十篇曰度訓命訓常訓

文酌糴匡武稱允文大武大明武小明武大匡程

典程寤

以下俱佚

秦陰九政九開劉法文開保開八繁

以上俱佚 鄧保大開小開文倣文傳柔武大開武小開

武寶典鄧謀寤倣武順武穆和寤武寤克殷大匡

文政大聚世俘箕子耆德

二篇俱佚

商誓度邑武倣五

權成開作維皇門大戒周月時訓月令

俱佚

謚法明

堂嘗麥本典官人王會祭公史記職方芮良夫王

子晉王佩殷祝周祝武紀銓法器服其末序一篇  
如尚書序前有楊慎序後有晁公武志李燾丁黼  
二跋其姜士昌序則校刻時所作考汲冢周書古  
今聚訟然許慎說文馬融論語注鄭康成周禮注  
皆引周書郭璞爾雅注李善文選注皆引逸周書  
是漢晉唐初不稱汲冢士昌序云此書當仍舊名  
不得繫之汲冢其稱名當矣士昌字仲文丹陽人  
萬厯戊辰進士官至陝西參政有雪柏堂集

闕補楊序 十

國語解

二函  
十六冊

篇目見前元版史部宋庠補音序後刻識云按宋氏補音三卷音釋最詳意義頗繁附書則篇章不屬別籍則考閱亦艱均匪良圖姑爾省刻獨存其序志有此書云琴川許宗魯志附國語古文音釋一卷有王瑩識略云子許子刻國語成授瑩復校因隨筆以備遺忘得字凡五百有奇命曰國語古文音釋是書宗魯所彙多用古字然舍宋儒之補音而取門人之釋古明人武斷標榜之習往往如

此宗魯字伯誠咸寧人正德丁丑進士累官副都

御史巡撫遼東

國語解

二面  
二十冊

同上係一版摹印

倪氏元璐家

珍藏鑒印章

朱文  
卷首

前後漢紀

二面  
十冊

篇目同前宋版史部前有嘉靖戊申黃姬水序略  
云何景明曾刻前漢紀袁氏書尤希覲得雲間朱



氏宋本輒復梓行云云姬水省曾子

貞觀政要

一百一十冊

篇目見前宋版史部明成化元年奉敕重刊有憲

宗御製序

謙牧

白文

堂藏書記

每冊首

謙牧

朱文

堂書畫記

每冊末

貞觀政要

二百一十冊

同上明成化元年官刊本坊賈割補序後年月以

贗宋本

東萊先生音註唐鑑

一百二冊

宋范祖禹撰呂祖謙音註書二十四卷前有祖禹自序及進書表又紀元傳世二圖治平中司馬光修通鑑祖禹爲編修官分掌唐事以其所自得者著此書於唐一代事撮取大綱系以論斷本十二卷祖謙所註乃分爲二十四卷

壽命永昌

朱文 卷首 卷一 卷三 卷五  
卷七 卷九 卷十一 卷十五  
卷十七 卷十九 卷二十一 卷二十三

觀書深意

朱文 卷首 卷一 卷三 卷五  
卷七 卷九 卷十一 卷十三 卷十五  
卷十七 卷十九 卷二十一 卷二十三

牧齋藏書

朱文 卷首卷二卷三卷五  
卷七卷九卷十三卷十五  
卷十七卷十九卷二十一卷二十三

龍川藏書  
私印

朱文 卷一  
卷七 卷六

屠履  
癸之印

朱文  
卷七

東萊先生音註唐鑑

一函  
四冊

同上係一版摹印

資治通鑑

十四函  
九十冊

明陳仁錫彙刻凡目錄三十卷資治通鑑二百九

十四卷附元胡三省釋文辨誤十二卷明薛應旂

甲子會紀五卷宋元通鑑一百五十七卷前有崇

正己巳仁錫序仁錫字明卿長洲人天啟壬戌進

士官南國子祭酒謚文莊應旂字仲常武進人嘉靖乙未進士官陝西提學副使有方山集

資治通鑑綱目

十二冊  
八十四冊

資治通鑑綱目篇目見前元版史部明成化九年奉敕重刊前有憲宗御製序續資治通鑑綱目二十七卷前亦有憲宗御製序乃因重鈔本目而宋元二代無定本雖有長編續編而採擇不精書法未能盡合敕儒臣編纂共爲一書成化十二年書成前列纂修商輅等十五人兩序俱前鈐廣運之

寶後鈐表章經史之寶

明官刻頒行本

資治通鑑綱目

十二冊  
五十四冊

同上係一版摹印有商輅等進表附刻陳濟資治通鑑綱目集覽五十九卷前有永樂壬寅濟自序尹起莘發明五十九卷後有起莘自序

陳貞慧字定生宜興人都御史于廷之子復社諸生爲阮大鍼所搆被逮得脫



闕補卷三十二三十三

全

資治通鑑綱目

八十五冊  
八十冊

篇目見前而諸家序跋較爲全備綱目前有軌道  
壬辰朱熹自序次凡例次論綱目手書次嘉定己  
卯李方子後序蓋泉州初刻時作次咸淳乙丑王  
伯後語次文天祐後語蓋稽古堂刻序例時作次  
尹起莘發明自序次永新劉氏書法凡例分正統  
帝王皇后皇太子列國大臣師眾誅殺臨幸雜例  
十類有劉友益識語次嘉定元年王幼學集覽敘

例序次至順壬申賀善次天曆二年揭傒斯兩序  
至元二年劉槩跋皆爲劉友益書法而作槩卽友  
益子也次至正二年倪士毅序蓋建安劉叔簡坊  
刻並附方氏綱目論時作次至正癸未汪克寬考  
異自序及考異凡例次至正己亥徐昭文考證自  
序次永樂壬寅陳濟集覽正誤自序蓋爲駁正王  
幼學書作次宣德己卯楊士奇序蓋建陽知縣張  
光啟以尹氏發明徐氏考證王氏集覽汪氏考異  
纂集於綱目書中而附陳氏正誤於後屬書林劉



寬梓行時作次成化元年馮智舒質實自序次宏  
治丙辰黃仲昭序蓋仲昭取徐氏考證汪氏考異  
陳氏集覽正誤劉氏書法馮氏質實五書各附入  
本條之下與汪從仁及黎詰吳錡鄧傑等精校刻  
於南昌時作次編集諸儒姓氏卽上七家有正德  
癸酉劉繼善識語卽校正是本時作續綱目前有  
明憲宗御製序商輅等進表輅及萬安劉珣王獻  
彭華邱濬邱淳謝一夔劉健汪諧程敏政鄭環羅  
璟陸簡林瀚等十五人銜名次宏治元年吏部聽

選監生張時泰進所撰續資治通鑑廣義疏次宏  
治十一年徐杭學生員周禮進所撰續資治通鑑  
發明疏次凡例綱目一書宋元明三朝諸家誤述  
傳刻合本專本源流具是然必讀

御批通鑑綱目

御批通鑑輯覽

御製發明廣義題辭而後是非予奪理正義彰諸家偏  
曲之論始得所

折衷定一矣黃仲昭名潛以字行莆田人成化丙戌進

士官江西提學僉事故是書刻於南昌也

通鑑紀事本末

五函  
五十二冊

通鑑紀事本末篇目見前宋版史部宋史紀事本末十卷凡百九篇元史紀事本末四卷凡二十七篇俱明陳邦瞻撰邦瞻字德遠高安人萬曆戊戌進士官至兵部侍郎明史有傳初馮琦仿通鑑紀事本末例論次宋事以續袁樞之書未成劉曰梧得其遺稿屬邦瞻增訂成編本於琦者十之三出於邦瞻者十之七故書中標馮琦原編邦瞻纂輯

也琦字琢菴臨朐人萬曆丁丑進士官至禮部尙書諡文敏明史有傳宋史紀事本末前有萬曆乙巳邦瞻自序又曰梧序元史紀事本末前有萬曆丙午徐申序邦瞻自序通部前有萬曆丁未焦竑序魏時應序皆合刻時作其刻書銜名爲巡按直隸帶管督學鹽法監察御史黃吉士並淮南府官屬十一人曰梧字陽生號斗陽南昌人萬曆丙戌進士官至兵部侍郎申長洲人萬曆丁丑進士官應天府尹時應南昌人萬曆乙未進士官南通政

使以忤魏忠賢冠帶閒住吉士內黃人萬曆己丑

進士

唐六典

二函  
十四冊

唐元宗御撰李林甫奉敕注書三十卷以三師三公三省九寺五監十二衛列其職司官佐敘其品秩後有紹興甲寅右宣教郎知温州永嘉縣主簿勸農公事詹棫題誌左文林郎充温州州學教授張希亮校正按陳振孫書錄解題引韋述集賢記注曰開元十年起居舍人陸堅被旨修六典帝手

寫白麻紙六條曰理教禮政刑事令以類相從張說以委徐堅思之經歲莫能定又委毋兪徐欽韋述始以令式入六司其沿革並入注中後張九齡又委苑咸二十六年奏草上是本前有正德乙亥王鏊序略云世無刻本間於中祕鈔錄以歸浙江按察使潼川席君文同刻之蘇郡未竟繼任嘉魚李君立卿實成之開元中張九齡輩所爲何可不傳云考九齡以開元二十四年罷知政事至二十七年林甫乃注成獨上之鏊序沒林甫而引九齡

甚矣書以人重也文同席書字遂寧人立鄉李承  
勳字嘉魚人俱見浙江職官志

書末有墨蹟云蘇州嘉定服禮鄉沙岡里泰定永  
福橋西菱門涇北河南丘氏藏書押有一印破脫

頤桂  
堂

嘉定 俱自文  
邱家 卷首

邱氏  
珍藏

焚川  
文房  
之印

俱朱文 卷一 卷二 卷六  
卷十一 卷十六 卷二十一 卷二十五

依  
叔

邱  
集 俱朱文  
卷三十

謙牧  
堂藏  
書記

自文  
每冊首

謙牧  
堂書  
畫記

朱文  
每冊末

河防一覽

一函  
十二冊

明潘季馴撰季馴字時良烏程人嘉靖二十九年進士萬曆十六年以右都御史總督河道加工部尚書凡四奉治河命前後二十七年明史有傳書十四卷卷一敕諭五圖說三卷二河防辨惑卷三河防險要卷四修守事宜卷五河源河決考卷六記七以下疏七十七季馴在明時爲河臣中之冠此皆其治河時所輯前有萬曆庚寅季馴自序又于慎行序慎行字無垢東阿人隆慶戊辰進士官東閣大學士諡文定有穀城山房集明史有傳



荆川先生右編

四函

三十二冊

明唐順之撰劉曰寧補順之字應德武進人嘉靖  
己丑進士官至僉都御史巡撫淮揚諡襄文有荆  
川集明史有傳書四十卷輯自周至元臣下奏議  
諫諍之文分二十一門曰寧字幼安南昌人萬曆  
乙丑進士官至禮部侍郎諡文簡明史有傳補是  
書時爲南祭酒卽梓之國子監前有順之自序葉  
向高序曰寧序朱國正序向高序進卿福清人萬  
曆癸未進士官大學士諡文忠有蒼霞草國正字

文寧烏程人萬曆己丑進士官大學士諡文肅明

史合傳

經濟類編

十函  
五十冊

明馮琦撰書一百卷分帝王政治儲宮宮掖臣諫  
諍銓衡財賦禮儀樂文學武功邊塞刑法工虞天  
地人倫人品人事道術物雜言二十三類每類分  
子目計三百有十皆取古事有關經濟者琦年四  
十六書未卒業其弟瑗刪類成之其門人御史周  
家棟仁和知縣吳光義校刻前有馮夢禎序吳光

義序瑗識語載萬曆三十二年校刻於浙虎林郡  
南屏山瑗萬曆乙未進士官參政

欽定天祿琳琅書目後編卷十四終